

**DE POLITICA
DIGNITATE &
POTESTATE
GERMANORUM
PARTICULA**

Matthaeus Dresser



De politica dignitate & pote-
state Germanorum

PARTICVLA

Ex Matthæi Dresseri

ISAGOGES
HISTORICÆ PAR-
TE QVINTA DE VRBI-
bus Germaniæ primarijs excerpta,

*Et opposita commento Roberti Bellarmini de
translatione imperij Romani ad Germa-
nos per Pontificem Romanum.*



16

02

L I P S I A E.

Michael Lantzenberger excudebat.

De l'Académie des Sciences
et des belles-lettres

Par M. de la Harpe

1752

Paris

chez la Citoyenne

de la Harpe

à la vente

de la Citoyenne

de la Harpe

à la vente

de la Citoyenne

de la Harpe


à la vente

de la Citoyenne

Ad
CHRISTIANVM
DISTELMEIERVM
Dominum in Radesleben
& Malsdorf

Proæmium

MATTHAEI DRESSERI

ristimaram, Distelmeiere nobilissime literatissimeq; , gloriosum illud Bellarmini commentum de translatione Rom. imperij ad Carolum Magnum per Pontificem Rom. ita repressum & confutatum esse superiori mea commentatione, quam tuo nomini inscripseram, vt veritate sese victum facile is sentiret atq; fateretur. Quò enim scriptor grauior nunc est Bellarminus, eò decebat eum magis ani-

num ad rem & veritatem traducere, à vanitate verò opinionum & pontificiæ adulationis suspicione omni abhorrere. Persuadere forsan is potest suis pontificijs, qui libenter sese credulos præbent, ingentem cumulum passionum & satisfactionum superfuisse martyribus sanctis, quibus ipsi ad expianda peccata propria non eguerint, & quæ deinceps in omne tempus alijs impertiri à pontifice in anno iubilæo possint, ad delenda eorum peccata, & ad promerendam salutem: quemadmodum in scripto de anno iubilæo comminiscitur. Nobis certè nunquam persuadebit, qui psalmi testimonium pluris facimus, quod asseuerat, omnes sanctos remissionem peccatorum à Deo petere: & Christi vocem mul-

tò

tò iustius audimus, qui ait: Cum omnia feceritis, quæ præcepta sunt, dicite: serui inutiles sumus. Dicerem ridiculum esse figmentum, nisi impium esset maximè. Affingit enim pontifici Rom. quasi quosdam saccos sanctorum meritis superfluis repletos, ex quibus expromere is possit, omni tempore quantum velit, & cuius Romam accurrenti impertire, vel potius diuendere. Quotusquisq; verò sanctorum aut martyrum sua peccata vnquam expiauit, aut ad delenda alterius delicta quicquam contulit? Blasphemia igitur hæc est aduersus illum, qui solus peccata mundi sustulit.

Ad eundem modum nec id nobis persuadebit, vt credamus, Papam habere in scrinio pectoris sui

ius potestatemq; regna mutandi,
aut ab alijs ad alios transferendi.
Hæc enim potestas tam longè abest
à Papa, quàm longè distat cœlum à
terra. Hanc si arrogat sibi Papa,
non is profectò Christi discipu-
lum; non apostolorum imitorem
se se profitetur. Quod si ego com-
mendare pontificem Rom. debe-
rẽ, non isto ascititio fucò eum illi-
nerem & deformarem, sed sangui-
ne diffuso colore ornarem, hoc est,
apostolicas virtutes, si quæ in eo es-
sent, tribuerem, & in Ecclesia non
supra, sed infra reges & imperatores
collocarem, sicut affectæ eius faci-
unt. Cuius quidem vanitatis tan-
dem, nisi me opinio fallit, pudere
incipiet Bellarminum, qui pro fa-
cultate ea, quam habet, melius sen-
tire, & rectius scribere potest, nisi

pon-

pontificis causa aliter dicere, quàm simplex ratio veritatis fert, animum inducit. Quod autem ipsemet pudore & timiditate quadam deterritus fortè nunc non scribit, id Bellarminici nonnulli, non quidem ingenuitate aliqua permoti, sed proteruitate & benè de Duce suo merendi cupiditate incensi, audent. Quibus quidem respondere nec persona mea neq; ætas finit. Honestius multò arbitror, certamen cum Bellarmino susceptum de iure translati imperij ad Germanos cum ipso persequi. Nam & liberalis est tractatio historiarum & optimo quoq; dignissima. Quocirca nec Bellarminus à sua persona eam alienam esse putabit. Huic enim vni respondere volui, non tamen longa aliqua disceptatione v-

sus, qua in re tam manifesta nihil opus est, sed honestissimæ sententiæ Pindari obsecutus, quæ monet, in bona causa tria verba sufficere. Cui congruit illud Euripidis in Phœnissis: Simplex est veritatis, oratio: mala verò causa indiget multis pharmacis. Ad eum igitur finem particulam hanc ex Ilagoges historicæ parte quinta, quam in manibus habeo, decerptâ, separatim publicari passus sum, ut esset quasi quædam repetitio superioris commentationis meæ quæ extat, & quater diuersis in locis excusa est.

Lætor autem, aduersarios Iesuitas ius pontificium in hac controversia non admodum vrgere amplius, sed tanquam victos de eo nonnihil concedere. Quod quidem ego prolixè liberaliterq; accipio;

pio; non iure vlllo potuisse Papam transferre imperium à Græcis ad Carolum M. Quod si verò non potuit, certè vel non transtulit, vel si transtulit, contra ius fasq; id fecit. Et rectè quidè fatemur omnes, iure nullo à pontifice id fieri potuisse. Nam imperiũ occidentis, adhuc tenuit Imperator orientis, & quidem vsq; ad illud tēpus, quo transactio inter vtrumq; Imperatorē facta est. Tunc enim, cedente de iure suo orientis Imperatore, imperium legitimum occidentis accepit Carolus M. Deinde nullam particulam imperij occidentis habuit Papa. Nunquam enim fuit Imperator Romanus, neq; vnquam imperium à vero Domino adeptus est. Imò ne consistendi quidem potestas ei in ciuitate concessa fuit. Ciuitatem

igitur aut particulam imperij quo pacto Carolo tradidit? An nō profugere ad Carolū coactus est, eiusq; opem implorare? Iam nunc eat Iesuita, & glorietur à Papa translatum esse imperium ad Carolum.

Coronationem verò, si quis virget, is ordinem pervertit, & quod posterius est, id antecedentis causā esse fingit. Sequitur enim coronatio, non præcedit electionem Imperatoris. Carolus V. Anno Chr. 1519. designabatur & fiebat pleno iure Rom. Imperator, sed Anno 1530 demum coronam à Papa accipiebat. Nec quisquam est inuentus hæcenus, qui dixisset Carolum V. Imperatorem esse factum per coronationem pontificis Rom. Quod enim iam ante erat omni iure, id quomodo per ceremoniam il-

illam impositæ coronæ à pontifice fieri potuit? Erat insignitus imperiali corona Aquisgrani, & quidem ab ijs, quibus imponere coronam fas est, h. e. à proceribus imperij: Additamentum verò Bononiense nihil ad imperatoriam dignitatem aut maiestatem afferre potuit. Id q̃ decretum imperij A. Ch. 1338 factū perspicuè confirmat, quod inter alia etiam hoc continet: Simulatq; à proceribus imperij Imperator electus est, statim plenam potestatem habet, nec pontificis Rom. adminiculo vlllo indiget. Ergò nec ad Carolum M. aliquid attulit coronatio pontificis Leonis, cuius ipse neq; Gubernator fuit, neq; Dominus, sed Minister tantum. Quod Scriptores probati Germani & Itali disertè affirmant. Senatus, in-

qui,

quiunt, populusq; Romanus per manum Leonis Carolum M. coronârunt. Ex quo satis apertum manifestumq; est, Papam nihil contulisse ad Imperium occidentis, quod ad Carolum M. translatum est, nisi id quod iussus est à Senatu populoq; Rom. Quod autem per alium quis facit, id perinde habetur, atq; si ipsemet faciat. Hæc in ipso scripto copiosius aliquantò explicantur.

Quod verò ubi friget aduersarius eò confugit, ut dicat, ex natura & constitutione pontificatus licere Rom. Papæ regna transferre ad alios, & propterea Leoni etiam fas fuisse, transferre Imperium occidentis per Carolum M. ad Germanos, id confutandum fuit aliquantò fufius: quanquam commentum

fit

fit inane, ieiunum, friuolum & illiberale penitus. A quo enim hoc mandatum habet pontificatus Romanus? quibus verbis huiusmodi institutio constat? quando item cepit? Petrus certè fictus ille & miser Papa eam non vsurpauit, neque consequentes, qui Episcopi manserunt, nec pedem extra ecclesiam in politias supra reges & Imperatores extulerunt. Solusne Leo, vel Adrianus, vel quicumque fuit Papa, qui coronauit Carolum Mag. iubente Senatu populoq; Rom. verus fuit pontifex, vel primus naturam & institutionem pontificatus perpendit & executus est? Quid cæteri ante & post eum, num adeò imperiti fuerunt & ignari naturæ & institutionis sui muneris, vt ne extremis, vt dicitur, digitis illud attigerint? Hæc enim

enim omnia in quæstione versantur, nec à me primùm exquiruntur, sed iam ante à Friderico Barbarossa etiam interrogatus est pontifex, cum ob prehensum sinistrum non dextrum stapedem ab eo reprehenderetur: Scire velim, inquit, officij hoc genus ex debito sit, an beneplacito? Quod si ex beneuolentia descendit, quis causabitur negligentiam in spontaneo? sin ex debito, parum interesse putamus, quo latere accessit, qui venerabundus adorat. Cranzius lib.6 Saxonix. Quicumq; igitur inuenti sunt pontifices, qui in Imperatores Romanos inuadere ausi sunt, hi inusitata rabie petulanter id fecerunt. Qualis fuit Hiltebrandus cuius præter cæteros nobilitata est ambitio & crudelitas. Hic vt imperij iura ad se
rape.

raperet, dissidiorum semina spargebat in imperio, nec quiescendum sibi esse arbitrabatur; priusquam ab imperio Henricum Cæsarem remouisset. Remouit & Rudolphum Sueuum, missa corona ei substituit. Immanitas hæc erat plus quàm Turcica: Absolutionem enim petebat à pontifice Imperator sed frustra; naus scilicet supplicabat scopulo. Incendium enim excitarat in Germania pontifex: id non aqua sed ruina Imperij restinguere cupiebat. At resistebat DEVS nefarijs conatibus eius, & legitimum Imperatorem tuebatur, papalem verò misere in prælio succumbere sinebat. Hiltebrandi vestigia secutus Innocentius III. potestatem reprobandi & reiiciendi electum Imperatorem sibi arrogauit,

uit, Philippum Imperatorem excommunicare, in eiusque locum substituere Othonem Saxonem voluit. Ex quo bellum pestiferum exarsit. Gregorius IX. excommunicato Friderico Imperatore factiones exitiosas suscitauit, tum crucem contra eum prædicauit, & vitam æternam promisit omnibus, qui contra illum pugnaturi essent.

Quid pluribus opus est? historiae plenæ sunt exemplis horrendæ sæuitiæ pontificum Rom. aduersus Imperatores & Reges. Id quod vel vnicum illud elogiū indicat, quod Bonifacio VIII. tribuit Platina, Hoc modo mortuus est, inquit, Bonifacius, qui Imperatoribus, regibus, principibus, nationibus, populis, terrorem potius quàm religionem iniicere conabatur, quiq; da-

re regna & auferre, pellere homines
ac reducere pro arbitrio animi co-
nabatur, aurum vndiq; conquisi-
tum plus quàm dici potest sitiens.
En pontificium scriptorem, & qui-
dem secretarium Papæ, qui si Ger-
manus fuisset, minus fortassè fidei
haberent ei pontificij. Non ait ex
natura & institutione pontificatus
profluxisse horrenda illa scelera
Bonifacij & aliorum Paparum, qui
tam acri & vehementi incitatione
in imperatores inuecti sunt: Sed ex
ambitione, petulantia & avaritia
manasse talia pontificum vitia as-
serit. Nec adeò iniustus rerum æsti-
mator esse volo, vt vitia paparum
ad pontificatū ipsum transferam,
sed hoc tantū dico, quicunq; Pa-
pa imperia aut regna politica atti-
git, is tanquam harpyia in res alie-

B

nas


nas inuolauit, & pontificatum scelere immani polluit atq; foedauit. Quod impunè nullus vnquam factitauit, sed sibi & imperio perniciem pestemq; machinatus est. Si quid est boni in pontificatu, minimè ea est natura & institutio eius, quam Iesuitæ comminiscuntur, vt regna mundi inuadat, & transferat ad suum arbitrium atq; libidinem. Absit talis natura, faceffat eiusmodi institutio pontificatus, quæ res ecclesiasticas & politicas, accuratis limitibus à Deo disiunctas, adeò confundit, vt Papæ tribuat id, quod politicorum est proprium, cum ijsq; communicatum ab ipso Deo.

Oderat tuus Pater acerrimè talia portenta, quæ in imperium à Papis inuecta conatu summo & iusto, tunc à principibus imperij oppu-

oppugnabantur, & ex agris & finibus eius exterminabantur. Ardens erat in hoc certamine Martinus Lutherus, qui & Ecclesiæ dogmata repurgabat, & in libertatem Christianam Germaniæ ecclesias magna ex parte vindicabat. Nec suo officio deerant imperij proceres, ut iugum pontificis iniquum & intolerandum à ceruicibus suis depellerent. Quo in genere bonam præclaramq; operam nauauit Pater ille tuus, qui salutaria ista consilia non tam Principis sui Brandeburgici, quàm totius Imperij pro fide sua diligenter adiuuit. Nec obscura est in eodem genere aliorum industria & pietas, qui decus Germanicæ libertatis omni ope & contentione asseruerunt & illustrarunt. De quibus alius erit fortè dicendi

locus. Hæc autem quæcunq; sunt, propterea attigi, vt intelligat Bel- larminus, Germanos non ita esse credulos, vt commento inania assen- tiantur, & persuaderi sibi sinant, pontificatus naturam & institutio- nem eam esse, vt mutandi & trans- ferendi regna aut imperia potesta- tem concedat, nisi prius ostenderit, à quo potestas illa pontificatui Ro- tributa sit, à Deone, an ab homini- bus? A Deo quidem datam esse, pudebit eum dicere, quia testimo- nium proferre nullum poterit, nisi repetere velit illa inepta & fictitia, quæ iam dudum sunt refutata & ex- plosa penitus. Deinde quàm latè pateat ista potestas pontificatus Rom. demonstret necesse est. Ad Germanos profectò extendi nullo modo poterit, quibus Pontifex Ro-
man,

man. neq; Episcopus, neq; Pastor
datus est. Tum quibus in rebus sita
illa sit doceat oportet, politicisne,
an ecclesiasticis? Si in ecclesiasticis
sita est, quo pacto politiarum tra-
ctationem aut regnorum transla-
tionem complectetur? Hæc omnia
tuo iudicio polito & graui subijcio,
quod vsu longo & experientia in
maximarum rerum tractatione
confirmatum est. Ego quidem ali-
ud nihil à te peto, quàm vt in par-
tem optimam, quemadmodum
consueuisti, accipias, Vale. Lipsiæ
Cal. Sextil. Anno Chri-
sti millesimo sexcentesi-
mo secundo.



1891

DE POLITICA DI-
GNITATE ET POTESTA-
TE GERMANORVM.



*Pinio quorundam au-
torum est, à Tuyscone Germa-
nica gentis autore, cōditas es-
se leges, quibus Respub. Germanica regere-
tur. Adeam rem aiunt illum esse vsum o-
pera Sabbatij Sacerdotis ex Armeniâ pro-
fugi. Cum enim sat sciret Tuyscon, mutabi-
les esse hominum voluntates, nec citiùs ferè
quidquam corrumpi, quàm religionem &
disciplinam salutarem; iuris quādam capita
constituit, eaq; ne faciliè ex hominum animis
effluerent, cantionum certis formulis com-
prehendit, quarum vnaquaq; versus decem
contineret, & crebris repetitionibus usur-
pari posset. Erant autem necessaria & uti-
les præceptiones de singulis penè ordinibus &
vitæ partibus, de coniugio, de viduis, de pœ-
nâ adulterij, de liberorum cāucatione, de
conuentibus publicis, de officio Magistratus
in singulis prouincijs, ut delectos centumvi-*

ros haberent, à quibus causæ graviorēs cognoscerentur & dijudicarentur. Moris erat, ut qui negotium vel controuersiam arduam haberet, is prandium aut cœnam adornaret & eò centum viros designatos vocaret. Hi omni cogitatione & curâ in id incumbebant, ut litem dirimerent. Ac si actor vinceret, reus impensas in prandium aut cœnam factas reddere cogebatur. Sin is causâ caderet, tunc reus facillè sumtus sustinebat. Ex quo formula in ius vocandi etiam nunc usurpari consuevit. Erant etiam leges de pœnis delictorum, cadis, perfidiæ, de hereditatibus, de agrorum distributione in familias secundum Geometricam æqualitatem, quæ tamen distributio singulis annis permutabatur. Usura penitus ignorabatur. Et initio quidem nondum cusâ monetâ, merx pro merce reddebatur. Hæc & alia decreta, quorum nonnulla antè recitata sunt, initia & quasi rudimenta quadam fuerunt legû, quæ singulis penè ætatib. vel aucta, vel expolita & declarata sunt: Donec unâ cum monarchiâ Romanâ etiam leges ciuiles & constitutiones Imperatorû prolatae sunt, quibus

bus hodiè Respub. Germanica cōtinetur, Quintilius Varus cū armis frangere Germanos non posset, iure & disceptatione eos in ordinē redigere conatus est. Idcirco Scabinatus, h. e. iudicia ordinaria instituit, in quibus omnes causa grauiore cognoscerentur & dijudicarentur. Gubernata est autem Germania initio à regibus, quorum nomina recensentur vsq, ad migrationem Cimbrorum. Dicuntur etiam in bello Troiano fuisse Germani duces, qui Troianis opem tulerint contra Græcos. Quorum in numero fuit Gothorum Rex Adolphus, Græce Telephus, Euripilus, Helenus Cimbrorum rex, item Amazones mulieres Gothicae.

Ab eo ferè tempore nihil literis mandatum est de Germanis memorabile, vsq, ad Romanorum tempora, quibus nota esse magis cepit Germania, & à Latinis Scriptoribus celebrari. Circiter annum mundi 3630 Hermannus Duringorum rex in pralio cum Gothis occubuit. Anno 3685 Balgius & Brennus Germanogalli in Macedonia cum Sosthene bellum gesserunt, & à Nicomede Bithyniae rege magnam partem Asia loco mercedis acceperunt, quam Galatiam de suo

nomine appellarunt. Circa annum mundi
 3853 in Germaniâ dominati sunt Teute-
 bochus, Bolus, Celeus, qui adiuti ab Helue-
 tîs Romam inuaserunt, & peragratâ Gal-
 liâ, in Hispaniam impressionem facere ausi
 sunt. Inde pulsi, partim in Galliâ, partim
 Brabantiâ & Flandriâ confederunt. Hi
 sunt Cimbri illi, qui Romanos adeò afflixerunt,
 ut vix tandem à Mario & Catulo
 cæsi sint. Hos reges secutus est Ariouistus,
 qui cum Iulio Cæsare confligit, ab eoq; in fu-
 gam conuersus est. Imperante Augusto,
 Sicambrorum rex Francus cum Saxonibus
 & Duringis fœdus fecit, ut in communi pe-
 riculo communi defensione uterentur. No-
 minatim verò à Iulio Cæsare, Strabone, Ta-
 cito, Marcellino recensentur præter iam di-
 ctos Reges & Duces in Germania. Vannius,
 Crocus, Chorodomarius, Emericus, Rixilla,
 Arminius, Segestes, Segimerus, Ambiorix,
 Cingetorix, Dumnorix, Diaico, Orgetorix,
 Vercingetorix, Segimundus, Dentorix, Mi-
 lo, Maroboduus, Ganaeus, Catumerus,
 Adgandestrius, Arpus, Carionalda, Bremio,
 vel Brinio Vernicus, Maloriges, Sunomarius.

Hor.

Hortarius, Martianus, Hariobandus, Vado-
marius, Varius, Vrsicinus, Versalus, Choni-
domarius. Saxones constat habuisse Duces,
è quibus etiam Regem, quoties belli usus aut
necessitas postulauit, elegerint. Cuiusmodi
fuerunt Marbodus, Vecto, Vitichius, & Ca-
roli Magni tempore Vvitikindus, cui Saxo-
nici Ducis titulum perpetuum cum omnibus
posteris eius Carolus ille tribuit; ipse verò
summum imperium, quod DEVS in terris
ordinauit in Germaniam, tanquam hu-
meris suis, deportauit. Quod quidem im-
perium ut verè quarta illa Romanorum mo-
narchia est, sic legitimè etiam acquisitum
& ad Germanos deuolutum est. Primum
enim propter translationem imperij in orien-
tem Monarchia Romana non abolita est, sed
mansit & vixit Constantinopoli aequè, atq;
Rome. Quanquam Imperium occidentis
valdè debilitatum atque diminutum est.
Deinde nec propter Gothos in Italiam
infusos Romanum Imperium desijt. Quam-
uis enim Orientis Imperatores passi sint eos
ad annos septuaginta septem in Italiâ
dominari: tamen eos nequaquam pro
Domis-

Dominis; sed pro subditis habuerunt. Tum nec propter occupatum a Longobardis Exarchatum & possessam Rauennam ydem Imperatores Occidentis imperium amiserunt: licet ad annos amplius 206 bonâ illius parte caruisse videantur. Misit Constantinus Imperator Constantinopolitanus legationem ad Pipinum Caroli Magni patrem cum muneribus multis, flagitauitq; ut is Longobardorum conatibus resisteret, & ereptum ab ijs Exarchatum atq; Rauennam recuperaret, sed ea conditione, ut imperio illa restitueret. Imò mansit imperij seu monarchia ætenua Constantinopoli etiam post Carolum M. usq; ad annum Christi 1452 quo sub Constantino Imperatore Orientis ultimo, captâ Constantinopoli, Imperium Orientale ad Turcos translatum est.

Hic queri potest non immerito, an non cum hoc Orientis imperio etiam monarchia Romana ad Turcos transferit? Sed expedita est responsio: Habet quidem Turca Imperium Orientis, sed non habet monarchiam Romanam. Monarchia enim non loco, non fortunâ, nec potentia definitur, sed ordina-
tione

tione siue institutione diuinâ ac dignitate ponderatur. Ac institutio quidem diuina Romana monarchia evidens est, & expressa à Daniele, cuius autoritas tantâ est, ut nefas sit, eam facere dubiam. Turcici verò imperij quanam institutio diuina potest proferri? Amplitudine quidem superat omnia regna terre. Sed magnitudo non facit monarchiam. Arcem quoq; orientalis Imperij Constantinopolin tenet Imperator Turcorum, tenet Asiam, Graciam, Aegyptum, Illyricum. Sed nequaquam ex regionum aut populorum numero siue potentia constat monarchia, utpote quæ aliquando admodicum occidentis redacta erat, & vix nomen suum tueri amplius poterat. Sed collegit tamen sese identidem, & vires recuperauit, quemadmodum Propheta Daniel prædixit, ultimam monarchiam partim ferream, partim luteam fore, modò plus, modò minus virium habituram. Tyrannis est Mahometica potentia quantacunq; est, non Imperium iustum, quod legibus, religione & artibus bonis munitum esse debet. Et quanquam iure belli partum esse aut conflatum videtur à

Tur-

Turcis Orientis Imperium : tamen neq. ornamenta, neq. praesidia ea habet, quibus septam esse politiam legitimam decet, sed vi & metu adiunctum est, fraude & rapinis partum.

Sunt autem decora & firmamenta legitimi imperij vox doctrinae caelestis, iuris & legum aequabilitas, iudicia recta, disciplina, pudor, virtus, artium cultus, conuentus siue congressus publici, praemia iuste facientibus, paena vero sceleratis preposita. Item cura tuendi honestas familias, studium defendendi probos à vi & iniuriâ.

Quæ cum in Imperio Romano Germanico reperiantur, manifestum est, in hoc ipso imperio herere monarchiam voce diuinâ prædictam, autoritateq. eiusdem fundatam. Hæc enim sonat verbum DEI, retinet usum Sacramentorum, habet Ecclesiam, agnoscit, colit & inuocat Deum Patrem, Filium & Spiritum Sanctum, usurpat leges Romanas, exercet iudicia legitima, custodit disciplinam, habet scholas artium & literarum optimarum officinas, agit frequentes principum atq. ordinum conuentus, seruat
honest.

honestos ritus, pudorem, coniugia, familiarum successiones, principum & ciuitatum dignitates, priuilegia & facultates, prohibet iniuriâ tenuiores, confert tributa ad propulsandam vim hostilem, reprimat & vindicat scelera. Huiusmodi nihil est in colluione & turbâ Mahometicâ, quæ tota conflata est ex blasphemîâ aduersus DEVM, quem contumeliâ afficit penitus, dum filium eius unicum Mediatorem nostrum & Spiritum Sanctum reijcit, & pro Christo vero DEO & Seruatore nostro monstrum illud Mahometi ex contrarijs diuersisq; atq; inter se repugnantibus studijs compositum colit & adorat. Agmina quidem monachorum inertium alit, sed Mahometo, non Christo illa seruiunt, legum Romanarum repagula perfringit, & suo sibi arbitrato iura condit, metu, non iure subditos regit, tyrannidem exercet, fidem datam, ubi libet & expedire videtur, violat, imbecilliores vexat & opprimit, familias benè meritas delet, spe ac fiducia roboris militaris quiduis audet. Quod argumento magno est, Turcicum Regnum non esse iustum illud, legitimum, ac summum

mun imperium, quod DEVS in terris vsq;
ad finem mundi vult durare. Cuiusmodi ve-
rè est illud Romanorum, quod in se legitime
transiit Carolus Magnus.

At quomodo illud adeptus est, aut quo
iure acquisiuit Carolus Magnus? R. partim
successionis iure, partim belli, partim trans-
lationis. Successionis quidem iure Franco-
rum regnum ab Aquitaniâ vsq; in Bauari-
am possedit. Belli verò Saxoniam, Gasconi-
am, terras Hunnorum, Slauorum cum alijs
multis provincijs in potestatem ac ditionem
suam redegit. Conflictatus enim est cum Sa-
racenis, Longobardis, Saxonibus, Slauis, Hu-
nis, Auaribus, Bauaris, Danis, ut nemo nega-
re possit, quin sanguine suo Occidentis Impe-
rium emerit atq; pararit. Et si autem Occi-
dentis imperium adhuc tenuerunt Constā-
tinopolitani Imperatores; tamen negligē-
tius illud administrârunt, & diminui labe-
factariq; in multis partibus passi sunt. Equi-
dem Iustino II imperante Narses patritius,
minis Sophiæ imperatricis offensus, Longo-
bardos ex Pannoniâ in Italiam attraxit, qui
regni sui sedem etiam illic constituerunt &
Occi-

Occidentis imperium vehementer attriuerunt. Ex quo non tantum in transalpinis provincijs, sed etiam in Italia ipsa ingens iactura facta est. Diuinitus autem absq; ulla dubitatione factum est, ut quò magis decresceret Gracorum imperium, eò magis accresceret indies Francorum potentia. Pertasus scilicet iam videbatur Deus Gracorum dominationis insolentis, & Romanorum ambitionis detestanda: tum Saracenorum etiam dominatum superbum oderat. Itaq; consilium de transferenda imperij summi dignitate ad aliam gentem ceperat, & cum imperio etiam Ecclesiam ab Oriente & Meridie ad occidentem & septentrionem traducere in animo habebat. Erat autem Carolus M. iam tum Francorum regno potitus, domuerat gentem ferocissimam Saxonum, subiugarat Vngaros, Hunos, Bauaros, Slauos, Normannos, Butanes multasq; alias provincias in suam potestatem redegerat.

Imò sedem imperij in Germaniâ comparatis omnibus praesidijs atq; ornamentis, quibus ad monarchiam opus esset collocarat. Venit in Italiam precibus Adriani Papa I. in sum-

mas angustias adducti permotus. Prius tamen legatione ad Desiderium missa, ut a superba dominatione in Italiâ desisteret, monuit. Deinde cum in itinere esset, & exercitum ad Alpes duxisset, denuò legatos ad eundem misit, & ut cederet hortatus est. At ubi nihil, quod iustum aut equum esset, obtinuit, verba in arma conuertit, & vi tyrannidem eius compressit, ipsumq; adeò Papiam, ubi sedes regni erat, cepit, & urbem ad deditionem compulit. Quo facto, reliquas ciuitates Italia faciles & obsequentes habuit. Ex quo patricius, hoc est, Pater Patriæ curam gerens, acclamante uniuerso Romano populo, appellatus est. Aliquantò post cum iniuriis à quibusdam seditiosis tractatus esset Leo Papa III, ut eam iniuriam vindicaret, & misero Leoni subueniret, denuò Romam accurrit, & acclamante populo Romano, Imperator Occidentis salutat^{us} est, Coronâ verò à Pontifice redimitus. Antores sunt non contemnendi, qui scribunt, Carolum inuitum eam acclamationem & coronationem suscepisse, dixisseq; se, si antè, quid futurum esset, sciuisset, haud aduenturum fuisse.

Hæc regna, hæc prouincia sunt, quas bello acquisiuit Carolus, & quidem ante renunciationem siue acclamationem Romæ factam eas tenuit. Renunciatio verò nihil ad eas terras vel acquirendas vel acquisitas adicit, sed comprobatio tantum & congratulatio fausta fuit. Quid verò obstat, quò minus Imperator Occidentis sit is, qui occidentis imperium habet? Quod cum Carolo Magno diuinâ quadam felicitate contigerit, an non iure Imperator Occidentis habetur? Quod eò etiam pertinet, ut intelligamus, non propterea monarcham Romanum esse Imperatorem Turcicum, quod bello orientis imperium acquisiuit. Non enim alibi quærenda est monarchia Romana, quam ubi ætiam est imperij. Quod cum nullibi, quam apud Germanos inueniatur, certum est etiam monarchiam Romanam apud aliam gentem nullam esse, quam apud Germanicam. Vnum adhuc desideratur transactio siue consensio Imperatoris orientis, qui occidentis imperium adhuc tenebat. De hac autem transactione non opus est multa proferre testimonia: Vnum sufficit ad faciendam fidem Go-

defridi elogium, qui scribit Irenen Græcorum imperatricem primùm missis legatis, pacem inire cum Carolo statuisse, quam cùm minimè aspernaretur Carolus, vicissim legatis ad imperatricem missis, petitam pacem cum ea confirmavit. Idem fædus Nicephorus Irenes in imperio Græcorum successor literis & nuncijs cum eodem firmavit. Nicephorum in imperio secutus Leo cum Carolo eodem pacem perpetuam hoc modo composuit, ut alter alterius frater semper nominaretur, alterq; ab altero iuaretur, Græcus autem Imperator orientem, Carolus cum suis successoribus Romam cum toto occidente teneret. Certum est, Salispurgum venisse legatos Constantini, ibiq; non solum auditos esse clementer, sed fædus etiam inter hos imperatores sancitum esse, in omne tempus duraturum. Quin nubere etiam Irene voluit Carolo Magno, sed à proceribus impedita custodiq; tradita fuit. Hac illustris & omni exceptione maior pacificatio ostendit, Carolum Magnum etiam transactionis iure Imperatorem occidentis esse factum. Cùmq; imperium occidentis pleno iure habuerit, transferre etiam ad Ger-

manos

manos illud potuit. Non ergò aliud est hoc Germanicum imperium, quam γυνήσιον, verum & genuinum illud, quod monarchia quarta nominatur.

Haëtenus iure acquisitum esse à Carolo Magno occidentis imperium, satis demonstratum est. Deinceps quomodo nomen aut titulum Imperatoris consecutus sit Carolus, declarandum.

De quo mihi cum Bellarmino societatis Iesuitica principe controuersia certamen est. Hic auctoritate Pontificis Romani factam esse translationem à Græcis ad Francos contendit. Quod quàm inconueniens sit, inde cognosci potest, quod à Græcis mandatum nullum transferendi imperium Pontifex habuit. Quo igitur iure, aut specie saltem iuris id transferre Papa potuit, quod Græcorum fuit? cùm iustissimum sit, ut unicuique res sua disponenda committatur, nec alteri ius suum eripiatur. Certum est in Græcorum imperatorum potestate remansisse imperium occidentis usque ad Carolum M. Ad Græcos igitur pertinuit dispensatio siue collatio imperij occidentis. Quod addeò

*firmum est, ut fieri nullo pacto potuerit, ut
 Papæ autoritate transferretur à Græcis ad
 Francos Romanum Imperium, nisi proba-
 tum fuerit à Græcis datam illi prius esse
 transferendi potestatem. Id cum facere nullo
 modo possit, quid est, quod tam temeri-
 tatem Romano Papæ tribuant assentatores
 Pontificij? An non commentum est inane
 & impium? At iure suo, ait Bellarminus,
 Papæ potuit transferre Imperium à Græcis ad
 Francos. Quæso, quodnam illud est ius pon-
 tificium tam firmum & valens, ut regna
 mundi transferre aut mutare possit? Non
 politicum ait esse, sed Ecclesiasticum. Imò
 naturam & institutionem. Pontificatus
 eiusmodi esse comminiscuntur Iesuitæ, ut
 potestatem concedat transferendi regna ab
 alio ad alium. Confirmatio omnis, ut video,
 ex definitione Pontificatus manat. Natura
 enim Pontificatus est ipsa essentia eius, seu
 vis, quæ definitione continetur. Institutio
 autem causam efficientem exponit. Quod si
 igitur natura Pontificatus hoc fert, ut re-
 gna mundi mutet, definitionem dari talem
 oportet, quæ hanc potestatem contineat. Si*

ex institutione hanc potestatem habet, auctor nominetur necesse est, qui Pontificatum sanciuerit & iure tali munierit. Quod facere Bellarminus, etiamsi omnes nervos ingenij contendat, nullo modo poterit. Pudebit enim illum, vanissimas illas argutias proferre: Tu es Petrus; item pascere oues meas, ex quibus nihil effici, quod apud pueros in scholis valeat, potest. Disputatio nimis longa esset, si persequi singula membra vellem. Ego quidem nullum unquam ius cognoui, quod potestatem det aliena inuadendi, aut transferendi inuito Domino. At occidentis imperium fuit in potestate orientalium imperatorum usq; ad illud tempus, quo legatione missâ, Orientis Imperator Carolum M. Casarem & Augustum appellauit, quod Sigeberti testimonium adeo euidenter probat, ut qui dubitat, in luce meridianâ cæcutire videatur. Verba Sigeberti sunt: Etsi Romani iam diu animo ab Imperatore Constantinopolitano defecerant: tamen ius imperij Romani omne sibi vendicarunt Orientis Imperatores usq; ad illud tempus, quo titulo & possessione eius cessit Carolo Nicephorus ori-

entis Imperator. Ex quo sanè apertum est satis, Papam, si transtulit imperium Occidentis, aliena inuasisse & rapuisse, quod summa iniusticia & impietatis est. Alienissimum etiam est à ministris Christi, mundana regna attingere. Quod si ergò minister Christi fuit Papa, munus tam alienum à sua persona haudquaquam attigit, nisi impietate nefariâ sese inquinare voluit. Quis Adrianus Papa erat? Quid Leo III? vagi exules & undiq; exclusi erant: non angulum imperij tenebant. Quî ergò conferre aut transferre imperium potuerunt? Ipsi à Carolo Magno pendebant, & ope eius presidioq; vnicè nitebantur. Quomodo igitur iuuari ab illis potuit Carolus? Ipsi acceperunt incolumitatem & salutem à Carolo. Carolo ergò quî dare aliquid potuerunt? Imò ne Roma quidem illis latere licuit. Ergò multò minus Romam & imperium alijs tribuere.

Argumenta, quæ ex definitione Pontificatus duci possunt, nihil roboris, nihil firmitati habent penitus. Si enim hoc ius habet pontificatus, non in Carolo Magno primum profundere aut usurpari illud debuit,

sed

sed ab initio statim in apertum referri. Quod cum factum non sit, miramur non immerito, unde tum demum post tot annos natura hæc pontificatus eruperit aut prodierit. Miramur item, quid factum sit, ut natura tanta rei tam repente iterum conciderit, expirarit, & euanuerit? Etsi enim Cesarum Coronatio pontificia post Carolum Magnum etiam usurpata est: tamen nihil ea facit ad translationem, sed eam, tanquam accessorium aliquod, consecuta est. Et si necessario esset coniuncta cum translatione coronatio aut unctio, non potuisset Carolus vel ante coronationem esse Rex occidentis, vel post coronationem pacisci cum Imperatore Orientis opus ei fuisset. Falsum autem primum. Falsum igitur & extremum. Ex quo elucet, totam hanc translationem Pontificiam ex rebus fictis commenticijsq; constare. Idq; pluribus rationibus evidentibus demonstrari potest. Alij enim Stephano Papæ eam ascribunt, ut Vincentius & Autor Chronici, quod allegat Leopoldus de Babenberg. Alij Adriano tribuunt, ut Dantes: alij Leoni. Et hi ipsi scriptores non Papas solum diuersos po-

vunt translationis huius autores, sed quidam etiam non ad Carolum, sed ad Patrem eius Pipinum translatum esse imperium asserunt. Quæ cum ita sint, manifestum est, translationem imperij à Græcis ad Romanos, non esse de natura siue essentia aut ingenua vi Pontificatus Romani, quam certiores esse decet. Tum id etiam planum sit, multò minus coronationem aut unctionem Romanorum Caesarum, de essentia Pontificatus Romani esse, utpote quæ & omissa fuit ante Carolum Magnum, & post eum à multis Caesaribus minimè expetita, qui tamen Caesarum nomen & dignitatem nihilominus gesserunt & tutati sunt.

Detrahet à hac iuris Pontificij specie, quid est, quod confugere Bellarminus ad Ecclesiasticam potestatem audet? Quid est, quod inde efficere conatur, Papam habere ius regnis atq; imperijs spoliandi Reges atq; Imperatores, vel Regna & Imperia ab alijs ad alios transferendi? Error est nimis longè petitus, qualis ferè is est, de quo in tragædia: Utinam ne in nemore Pelio securibus cæsa cecidissent abiecta ad terram trabes. Longinquum

quum est iter, flexuosum & perplexum, in quo propter ambages allucinari, labi & offendere facile est. Accuratis limitibus distincta est potestas civilis & ecclesiastica, ut si politicus ecclesiastica attingat, Vtæ tangenti arcam Domini non dissimilis esse videatur, & è contrario, si ecclesiastica persona sumere sibi vult politica, audire cogatur illud, quod Christus discipulis suis dicebat: Reconde gladium in vaginam suam. Item: Reges gentium dominantur, vos autem non sic. Iam quid est Reges & Imperatores regnis atq; imperijs spoliare, vel imperia ab alijs ad alios transferre, quàm Regum more dominari, imò supra Reges & Imperatores caput efferre, & principatuum summum sibi arrogare? Quæ dominandi libido si est in aliquo Papa, post Carolum Magnum exorta est. Non credo, vel Stephanum vel Adrianum vel Leonem, vel quemcunq; alium, cui translatio imperij Romani à Græcis ad Germanos affingitur, id in animum suum induxisse unquam. Modestiores puto eos fuisse multò, quàm ut tantum fastigium ad se raperent. Non libet hic repetere argumen-

ta ad rem nullam utilia. Papa est Caput Ecclesie. Ergò habet potestatem in Imperatorem, & potest transferre imperium ab alio ad alium. Nulla hìc est consecutio, res toto genere inter se discrepantes, & prorsus dispareresiunguntur. Multò minus, utrum caput Ecclesie sit Papa, disputare necesse est.

Negavit id iamdudum Ecclesia Græca, negat hodiè Ecclesia Germanica, Anglicana, Gallica, Danica; negat Lutherus & qui cum eo sentiunt; negant Sancti Patres, negant Principes & ordines Imperij in scripto apologetico suo, cur ad indictam Synodum Tridentinam venire non potuerint, neg debuerint. Patrum testimonijs in re tam manifestâ nihil est opus: Vnum sufficit Gregorij Magni, quod extat libro epistolarum 4. cap. 82: Si Paulus membra dominici corporis certis extra Christum quasi capitibus, nec ipsis quidem apostolis subijci particulariter noluit: quid tu Christo vniuersalis Ecclesie capituli in extremi iudicij examine dicturus es, qui cuncta eius membra tibi conaris vniuersalis appellatione supponere? Fulmen hoc est, quo deterreretur Papa meritò debebat, ne id, quod

quod Christi est, tantâ audaciâ sibi sumeret.

Sed quid efficitur tandem, si Papa, Ecclesiæ sit Caput? Effectus hoc argumento ostenditur.

Pastoris est lupum arcere ab ouili. Papa est Pastor. Ergo repellere debet lupum ab ouili, hoc est, Imperatorem, aut Regem reprobare, & meliorem substituere. Non valere consequentiam, quivis perspicit. Plus enim est in conclusione, quàm in præmissis. Nec maior aliter accipienda est, quàm de gladio spiritali, qui commissus est pastori Ecclesiæ. Nequaquam verò de vi aut potestate politicâ. Minor autem sic restringenda est, ut de certo loco intelligatur. Pastor enim est certi loci aut gregis sibi commissi pastor. Hic nulla fit mentio substitutionis novi Principis aut Regis. Hac enim non ad Pastorem Ecclesiæ, sed ad alios pertinet, quibus cura electionis commissa est, ut in imperio septemviris.

Imò nec David volebat manum injicere Saulo uncto Domini, aut loco eum mouere: quamvis unctus Domini ipse esset. Sciebat enim parcendum esse uncto Domini, licet bo-

nus

mus Princeps minimè esset Saulus. Quod quæso regnum adeò est patiens, ut à Papa sibi patiatur substitui aut obtrudi nouum Regem? Quorsum igitur spectat inanis ista gloriatio, quasi Papa sit substituere Regem aut Imperatorem, quem ipse velit, remoto priore?

Non minus ineptum est illud etiam argumentum. Anima habet Imperium in corpus. Papa est anima corporis imperij. Ergò habet imperium in Cæsarem & Principes.

Nimis impia est minor propositio. Nam verbum DEI non abiicit Principes seu Magistratus politicos, in rebus præsertim ciuilibus, infra Papam, sed potius subiicit cum Magistratui politico Rom. 13. Omnis anima subdita sit potestati habenti. Quæcung, igitur potestas aut auctoritas Sacerdotis vel ministri Christi est; tota Spiritualis est & Ecclesiastica, in verbo, non gladio aut vi externa consistens.

Sed quò delabimur, de iure translationis contendentes? cùm factum ipsum negauerimus, hoc est, nunquam factam esse translationem Pontificis Romani auctoritate demon-
stra-

strauerimus : Bonifacius ille VIII, quo nihil vidit Sol sceleratius, demum ausu horribili & execrando caput Ecclesia sese nominavit. Ac si satis noui Bellarminum, ipsemet hoc impium & pestiferum commentum detestaretur, nisi fidem & religionem Pontifici addictam haberet. Hactenus demonstratum est Pontificatus naturam non ferre, ut illius autoritate imperium ab uno ad alium transferatur. Deinceps utrum ex institutione eiusdem id fieri possit, nec ne dispendendum est. In institutione autem cuiusque rei aut officij in primis autorem proferri oportet : tum formalia verba, ut vocant, recitanda. Neutrum in hunc usque diem a Pontificijs factum est. Aut igitur adhuc nominetur autor talis institutionis, exhibeanturque verba, quibus ea continetur, aut commenticia res tota habebitur. Verba quidem eiusmodi esse oportebit, quae expressè & disertè affirmant, Pontificatum Romanum ex institutione eam habere vim & potestatem, ut regna transferat, tum illud quoque demonstretur necesse est, num ante Leonem III, vel post demum hac institutio facta sit : Si enim

enim ante facta est, mirum videbitur omnibus, non usos eam esse Papas, qui Leonem antecesserunt; si secuta est, non eam potuit usurpare Leo. Quod si ergo à Papa non est facta translatio imperij Occidentis ad Germanos: Undenam nomen & titulum Imperatoris Romani, aut occidentis adeptus est Carolus? Responsio nulla potest dari melior, quam si dicamus, ab eo, qui Imperium habuit. Is fuit Imperator Constantinopolitanus, cum quo ultro citroque missis legationibus ita convenit Carolo Magno, ut ille Orientis, ipse occidentis Imperator esset. Hoc fœdus primum cum Irene fecit Carolus: Deinde cum Nicephoro renouavit, tum cum Leone confirmavit & stabilivit, ut satis roboris in omne tempus haberet. Quid enim aliud est Romam cum toto occidente ita tenere, quemadmodum Constantinopolin cum Oriente tenebat Leo, quam occidentis Imperatorem esse Carolum, eodem modo, quo Orientis Imperator erat Leo? quemadmodum Godefridus Viterbiensis memorat. Quod ipsum etiam confirmat epitome thesauri antiquitatum, hoc est, imperatorum Orientalium.

& occident. alium. Hæc aisertè ait, partitam esse Irenen cum Carolo Imperium, ac sibi reseruasse Orientis, Carolo verò tribuisse aut concessisse occidentis imperium.

Nec vlla res est, quæ dubiam facere hanc sententiam possit, nisi fortè coronatio, quæ Romæ facta est. Per hanc enim translationem imperij factam esse, autumant Pontificij adulescentes. At non ita est. Coronatio enim haud tribuit imperium; sed tributæ assignati signum est. Quemadmodum enim corona ferrea Modetie imposita Carolo signum fuit regni Longobardici à Carolo belli iure parti: Sic Coronatio Romæ facta per ministerium Papæ, insigne fuit imperij occidentis ab eodem legitimè acquisiti. Idcirco ipsi scriptores Italici signum vocant legitimi imperij. Neg, corona Pontificis fuit; sed populi, qui per manum Papæ coronauit Carolū. Quod verba Sigeberti euidentissimè comprobant: Romani, inquit ille, qui ab Imperatore Constantinopolitano iam diu animo descuerant, tunc acceptâ occasionis opportunitate, quia mulier excæcato Imperatore Constantino filio, eis imperabat, uno omnium con-

D sensu

sensu Carolo Regi Imperatorias laudes acclamant, eumq; per manum Leonis Papa coronant, Casarem & Augustum appellant. Et Cranzij memorabile est testimonium: Peregit tum, inquit, volente populo, cui fas esse videbatur, de Imperatore creando, Pontifex sacrum in eo ministerium. Quid Auentinus? Romani, inquit, orante Carolo cum Pontifice, Confiteor, Senatus & populus clamabant Carolum Augustum, eumq; liberatorem & servatorem suum appellabant.

Tenebat iam Imperium occidentis Carolus. Accessit ergo hac publica & Opus, fausta acclamatio & congratulatio cum Ceremonia inaugurationis seu coronationis facta à populo Romano per manū, seu ministerium Papa, ut nihil deesset Carolo Magno ad imperij decus omni ex parte expletum & absolutum. Agnouerat eum multò antè Imperatorem Leo Papa, qui legationem ad eum misit cum muneribus, tum claves etiam confessionis. San. Petri, & vexillum Romanae urbis, ut Reginonis Chronicon memorat. Agnouerat eum Imperatorem occidentis Italiae, tum Alphonsus etiam Gallicia & Asturia Rex, qui
misit

misit ad eum papilionem mira magnitudinis, cum alijs muneribus amplissimis. Agnovit eundem Imperatorem Zacharias Patriarcha Hierosolymitanus, qui misit ad eum claves sepulcri, cum reliquijs multis. Peragraverat sc. orbem terra fama de magnitudine rerum gestarum Caroli. Nec ulla ferè gens erat, quæ non diuinam eius felicitatem, potentiam & sapientiam magni faceret, prædicaret & vel extimesceret, vel eo quasi quodam numine de cælo lapso lataretur. Videbaturq; adeò iam tum Deus ipse cum omnibus suis bonis & præsijs, quibus munire atq; ornare suam Rempub. solet, magna voluntatis inclinatione in Germanos propendere. Quod non ita multò post euentus comprobavit, cum lux Verbi diuini, doctrina artium, præsidia legum, robur militiæ, humanitas deniq; tota infusa est per hunc Imperatorem in Germaniam. Eadem igitur inclinatione permotus Romanus populus, Imperatorem eum sibi ascivit & quod habuit summum & maximum, id in eum contulit. Nec populo Leonis fides & opera, quam pietas erga Carolum exigebat, defuit: sed & ipse pro suâ virili par-

te ornandum monarchiam tantum iudicavit.

Laude dignum est hoc Papæ factum, non minus, quam Brunonis, qui decretum Othonis III. de electione Imperatoris Romani per Germanos proceres non solum approbavit, sed sancivit etiam Romæ, & promulgavit. Cuius quidem decreti ea vis fuit, & est hodiè, ut non liceat Romano Episcopo quenquam Imperatorem proclamare absq; principum Germanorum voluntate.

Non desunt exempla in Romanâ historiâ, quæ testantur à Senatu populoq; Romano designatos esse Romanos imperatores, quandoq; etiam à militibus. Maximum & Balbinum à senatu lectos esse Iulius Capitolinus scribit. Idem de se prædicat apud Flavium Vopiscum Probus: Nobis, inquit, à militibus delatum est imperium. Diocletianus profligato casq; Carino, Augustus appellatus est, & à Senatu populoq; Romano honorificè exceptus, ut Pomponius Lætus scribit. Tacitus sine exercitu à Senatu Imperator & Augustus, secundum eundem auctorem appellatus est. Nihil attinet plura exempla recensere, cum minimè ambiguum sit, tam à militib. quam à Se-

à Senatu populoq³ Romano lectos esse Imperatores Romanos. Adeundem modum à Senatu populoq³ Romano, consentiente, approbante, & auctoritatem suam accommodante Papâ Leone III. Carolus M. Imperator Romanorum & Augustus consecratus, salutat³, coronatus & proclamatus est, quemadmodum Auentinus lib. 4. annalium Boiorum scribit. De iure Senatus populiq³ Romani amplius non disputo. Satis est, quod Cranzius ait, fas visum fuisse Senatui populoq³ Romano h. est. ius vel licitum, creare Imperatorem. Quæ creatio licet sola Imperatorem faciat, tamen accessit consensus Imperatoris Orientis. Pontificis verò ius nullum prorsus est. Ergò neq³ transferendi imperium ius aliquod habuit. Hæc præsidia, hæc media fuerunt, quibus imperium occidentis à Græcis ad Carolum, & per Carolum ad Germanos posteros translatum est. Mansit autem hoc summum orbis terræ imperium in posteris Caroli M. ad annos 112, postea ad Saxones transijt, & cum familia, ex quibus Imperator legebatur, mutarentur, Otho III. Imperator ius eligendi ad solos Germaniæ proceres, exclusis Gallis &

*Italis, astringit, ut deinceps nulli nationi, nisi Germanica, liceret à suâ gente Imperatorem designare. Cum autem nullo certâ numero ante & post Othonem electores definiti essent, Carolus IV. Imperator, etiam electorum numerum certum constituit, ut studia cupiditatesq; honorum ex omni parte praecluderentur. Imitatus est in hoc genere sine dubio Persicae monarchiae consuetudinem, & ut in eâ septem Principes fuere, è quibus Rex designatus est: Sic Carolus IV. etiam ex omni numero principum imperij septem delegit, qui Imperatorem deinceps crearent, & eiusdem moderatores & quasi materies siue radix essent, è quâ ille prodiret. Hic est septemviratus siue Senatus septemviralis Germanici imperij, & quidem firmamentum ac robur eiusdem vel ad perpetuitatem. Hac constitutio Caroli IV. in aureâ bullâ continetur, quae edita est A. Ch. 1356 à morte Caroli M. 542, ab initio monarchiae Romanae 1402. Series autem septemvirum est haec: Tres ecclesiastici, Moguntinus, Archicancellarius per Germaniam, Coloniensis per Italiam, Treuirensis per Galliam. Quatuor politici, Rex Boemiae archi-
chi.*

chipincerna Imperij, Palatinus archidapifer,
 Saxo Archimarschallus, Brandepurgius Ar-
 chicamerarius. Rex porro Bøiemia adiunctus
 à Carolo IV. est, ut esset quasi arbiter qui-
 dam ad dirimendas lites, si qua in eligendo
 fortè inciderent. His prasidijs adhuc stat im-
 perium probè munitum aduersus omnem im-
 petum & vim hostilem, si animos consenti-
 entes habet & vires coniungit. Cum etiam
 Carolo V. imperante religionis dissidium in-
 cidisset, data est pax principibus & ciuitati-
 bus, pontificiam & euangelicam religionem
 profitentibus, Norinbergæ An. Chr. 1532.
 quæ postea repetita est in transactione Passa-
 uienſi An. Chr. 1552. Ampliata verò in
 conuentu Augustano An. 1555. confir-
 mata deniq; penitus in conuentu ordi-
 num Imperij, qui fuit Augusta
 An. Chr. 1559.

F I N I S





Lipsiæ.

*Excudebat Michael Lan-
tzenberger, Anno*

M. D CII.

